

# 北洋官報

目錄

宮門抄  
交旨  
奏請度支部奏議覆直隸陸軍二四兩鎮請撥餉項摺  
△直督奏永定河道設河工研究所片△又奏同知請  
開復原官片△粵督張奏請將故員革職宣付史館摺  
公領天津道詳一件△董事會移一件△河南官銀號  
提調稟一件  
文告三則△電報七則△新聞十三則  
彙編○德華普通中學堂章程

本局第一百七期法政學報已出

## 宮門抄

六月二十七日 度支部 宗人府 正白旗值日 豐深假滿請 安並謝 賞廕生 恩 占鳳

占鼇服滿請 安 掌禮司奏初一日祭 奉先殿潤貝勒行禮 召見軍機 澤公 紹英 陳

邦瑞 饒芝祥遞封奏二件 麥秩嚴遞封奏一件

## 交旨

六月二十七日 軍機大臣欽奉

諭旨御史饒芝祥奏孝廉方正選舉冒濫請定章程一摺著該部議奏欽此

諭旨御史麥秩嚴奏改良監獄亟宜整飭一摺著法部議奏欽此

### 奏議錄要

度支部奏議覆署直督奏陸軍二四兩鎮餉項不敷懇由部撥摺

奏爲遵 旨議奏恭摺仰祈 聖鑒事軍機處交出署北洋大臣直隸總督那桐奏陸軍二四兩鎮餉項不敷

懇請由部籌撥一摺宣統元年六月十三日奉 硃批度支部速議具奏欽此欽遵到部原奏內稱光緒三十三年分北洋陸軍二四兩鎮收支餉雜各款計不敷銀三十五萬四千餘兩維時前督臣楊士驥因奏銷尚未達部暫

行設法挪墊現在前項報銷已由楊士驥開單奏報經部覆准據糧餉局詳稱前項不敷之款均係挪借墊付三十四年又復入不敷出兩年併計虧短較鉅請將三十三年分不敷之項先行撥補前來查陸軍二四兩鎮餉項原有的款本屬收不敷支三十一二等年由鐵路餘利暨津海關道子口稅項下撥補銀一百餘萬兩此時鐵路餘利既

難指撥而津海關道頻年收數短絀藩運各庫羅掘早空實在無可挹注伏思餉項係計口授食之需刻不容緩惟有籲懇 天恩飭下度支部迅速籌撥銀三十五萬兩以濟軍需等語臣等伏查近畿陸軍六鎮編練之初全隸

北洋自光緒三十二年起專以二四兩鎮歸其管轄二鎮正餉銀一百六十餘萬兩由淮練各軍制兵節餉暨蘆鹽

加價於酒稅等款內動撥四鎮正餉由山東武衛右軍暨江南自強軍各底餉內動撥活支雜款均不在內光緒三十三年分兩鎮用款據前督臣楊士驥開單奏銷列收前項正餉暨各處撥補歸還等款共合湘平銀三百四十九

萬六千一百七十六兩有奇除撥還上屆不敷墊款銀四十五萬五千餘兩以及本案登除開除各款全數動用外

尚不敷銀三十五萬四千七百一十一兩有奇經臣部核議具奏歸於下屆查核等因在案茲據該大臣奏稱前因查

關內外鐵路餘利前於光緒三十年間前督臣袁世凱請提銀五十萬兩發交北洋支應用暫存聽候部撥旋請即

以此款撥抵練兵軍餉經臣部暫行照准復於三十二年該督請提銀二十五萬兩撥補銅元餘利案內臣部奏令

專款存儲爲擴充鐵路之基並聲明該路興修之始曾經 國家撥給鉅帑此項餘利原屬公家之款不可率行提

撥

用而陸軍第五鎮三十一二兩年不敷餉項銀四十六萬兩該督於三十七三年秋間奏請於津海關子口稅項下動撥臣部即行照准上年該關稅收短絀息借商款多至百萬迭據督臣咨請免其添撥是該大臣所陳各節均屬實在情形且前項不敷銀數核與奏報案據亦均相符臣等公同商酌該兩軍翊衛畿疆關係重要此時部庫與各省同一支絀實無的款可以提撥津海關現既稅收短絀與從前情形不同是該省已挹注無從自不得不權衡緩急俾資接濟竊思築路與練兵同關至計然路政可視財力以圖擴充而兵餉則計授攸需動虞譁潰宜京奉鐵路歷年結報均有盈餘本係候撥之款當此內外窘困之際二四兩鎮軍餉自應仍由京奉鐵路行車盈餘項下提湘平銀三十五萬兩解交北洋陸軍糧餉局作為撥補三十三年不敷餉項之需恭候 命下即由臣部行知郵傳部北洋大臣遵照辦理所有籌撥北洋不敷軍餉緣由理合恭摺具陳伏乞 皇上聖鑒謹 奏宣統元年六月十七日奉 旨依議欽此

### 署直隸總督那奏永定河道呂珮芬設立河工研究所請立案片

再永定河渾流湍悍切近 京師關係最爲重要該河道呂珮芬履任年餘講求修守留意人才惟以素稱熟悉工程之員但能舉其大略均少確實見地如遇險工迭出之時使之協理修防欲求其措置咸宜勝任愉快甚屬不易河工本專門之學該道擬請設立該河工研究所以資造就即在南四工防汛公所借作講堂凡入學者一年畢業該河候補人員除逾四旬稍通河務者免其入所講習外其餘不及百人定以一年一班每班定額三十員月給津貼銀十二兩每遇星期及凌伏秋三汛均令臨工實地練習三年以後學員無不知工任使可期得力統計每年經費需銀五千兩以三年爲限稟經前督臣楊士驥批准飭由賑局撥款濟用計自上年十一月開所以來各學員切實研究頗著成效據該河道呂珮芬分造章程員名清冊詳請 奏咨立案等情楊士驥未及核辦奴才到任接交覆查無異除將清冊分咨吏部學部度支部外理合附片具陳伏乞 聖鑒敕部立案謹 奏宣統元年六月十三日奉 硃批該部知道欽此

又奏請將開復原銜奉天委用同知俞泰初等開復原官片

再案查接管卷內宣統元年四月初八日准吏部咨開內閣鈔出趙爾巽片奏查調川委用九員內開復原銜前候

選道王曾倂經浙江撫臣增韞委辦工藝前奉天補用同知俞泰初經直隸督臣楊士驥委辦清理財政前山西補用知縣陳廷絜經前山東撫臣吳廷斌現任撫臣袁樹勛委辦文案是以未曾到川然在各省當差同屬爲公効力

迹其所至見重則才具之可用亦信而有徵似未便因未到川獨令向隅應否一併

加恩之處伏候 聖裁

等因於宣統元年三月十五日奉 硃批著各該督撫隨時查看王曾倂等辦事有無成效據實具奏欽此欽遵

咨行到直前督臣楊士驥查開復原銜前保升知府奉天委用同知俞泰初於光緒三十三年冬間因差來津經楊士驥派充調查局統計科股員本年正月復委充財政局審覈科科員當經分飭各該局查明辦事成效在案茲據財政局司道以俞泰初才具精練任事實心勤慎從公勞瘁不辭等情詳請 奏請開復原官前來奴才伏查俞泰

初前在奉天隨調任督臣趙爾巽辦事有年此次到直在調查局財政局辦理統計科審覈科各事宜均能克盡厥職財政清理伊始尤能悉心贊畫辦事實屬確有成效且山西補用知縣陳廷絜因在東省辦理文案業經升任山東撫臣袁樹勛奏准開復原官該員在直當差事同一律合無仰懇 天恩俯准將開復原銜前保升知府奉天

委用同知俞泰初開復原官原銜仍歸奉省補用並免繳捐復銀兩出自

逾格鴻施謹附片具陳伏乞 聖

鑒訓示謹 奏宣統元年六月二十三日奉

硃批著照所請該部知道欽此

兩廣總督張人駿奏請將已故大員馬丕瑤等事蹟宣付史館立傳摺

奏爲已故大員政績卓著懇

恩分別褒卹以資觀感恭摺仰祈

聖鑒事竊維疆吏之賢否實一省治忽所

攸關遠者不可得而詳目前亦未能論定當取最近而已往者徵之臣三次蒞粵故知粵吏爲較稔其間賢臣善政

未可殫述而實能整頓吏治裨益地方者厥有二人謹陳其略一已故廣東巡撫馬丕瑤河南進士起家牧令洊陟

封圻當時粵省官場多習於夤緣奔競苞苴請託視爲故常馬丕瑤履任之初首以懲貪黷爲治粵要義風聲所樹

屬吏悚惕吏治爲之改觀旋復嚴禁賭博以清盜源抗疏陳言以求政本一切治具正在擴張乃未幾病沒弗竟其

志人咸惜之其官山西州縣也愛民如子有馬青天之名丁丑晉省大祿赤地千里時馬丕瑤方署解州賑撫得宜

州境獨以無害積勞選擢廣西布政使升任巡撫首重蠶桑教民以繅織之法開辦書局教士以讀書之法奏建唐

宋名臣柳宗元劉賁趙抃黃庭堅 國朝名臣于成龍陳宏謀之祠以維風化奏免土絲出口稅釐設機坊二十餘

所歲增物產五六十萬金以裕餉源臣在廣西鹽法道廣東臬司任內目擊其辦事之勤敏察吏之嚴明秉性之忠純束身之廉介雖古名臣不是過也沒經十餘年兩粵士民猶稱道弗衰一已故湖北巡撫前廣東按察使于蔭霖吉林進士在詞館日受業於大學士倭仁精研義理操履至爲端潔且論事有遠識憂世有深心一時名流罔不推重出爲湖北荆宜施道整躬率屬勤政愛民荆州人士懷之至今邊廣東按察使清庶獄恤民隱有順德縣廩生荀明亮者清修正學因事被牽繫於囹圄于蔭霖親釋之士論大服廣東多盜勤於督捕賊匪爲之斂迹察吏嚴而不刻故人多畏憚而無怨恨

先朝知其賢能擢安徽布政使湖北巡撫治皖則以節用愛人興學育才爲急務藩庫積儲至二百萬取節存之款以建書院選學生二百人入院肄業教以修身經世之學多所成就治鄂則除民盡闢利源整頓全省釐金歲增數十萬鄂省吏民今猶利賴居恆言笑不苟竟日端坐無情容數十年如一日蓋中有所得也以上二臣非惟政績可紀遺愛在人抑亦端介不阿足爲羣吏矜式馬丕瑤歿後業已蒙 恩照巡撫例 賜卹于蔭霖歿後未遇 卹典方今時艱孔亟憲政方新凡在疆臣皆當共矢公忠以弼 聖

治第非表彰先哲無以激勸將來合無仰懇 天恩俯准將已故廣東撫臣馬丕瑤湖北撫臣于蔭霖分別 褒卹並將于蔭霖生平事蹟 宣付史館立傳以彰蓋績而勵臣工出自 鴻慈逾格如蒙 俞允再當咨

行原籍地方官取具于蔭霖履歷事實咨送史館查核辦理臣無任悚惶待 命之至謹恭摺具陳伏乞 皇上聖鑒訓示謹 奏宣統元年六月二十日奉 硃批馬丕瑤于蔭霖均著將政蹟宣付國史館該衙門知道 欽此

### 公牘錄要

天津道賑撫局會詳委驗北運河堤工情形文並批

爲詳請事竊照北運河堤頭減河筐兒港減河等處堤工業將委勘情形詳奉 前憲批准撥款照估興修工竣驗收具報用款核實造銷等因北運河堤工札委候補知縣陳鴻烈候補府經歷段肇熙堤頭減河堤工札委即用知縣高紹辛候補典史汪熙光筐兒港減河堤工札委候補知府高欽候補縣丞章兆玉分別承修並委署天津河防同知張一磨提調旋據宜興埠紳董溫長綸以筐兒港西堤原估擬收上方每方價銀一錢章程未爲不善然不如

改收下方所有幫寬取土俱從河內非但省工並能省土卽下方工價須用一錢二分兩相比較如下方八方核計足可抵上方十方之效飭據高牧欽章縣丞兆玉稟稱遵卽領款馳抵工所邀集紳董溫長綸馬椿村正何宗翰李廣旺陳翰卿周貴川等按照改收下方辦法擇於三月二十一日興工業將興工日期及該紳董等所擬免修改修各佔大概情形先後稟陳在案旋據該紳董等以前擬改估辦法尙未盡善請再詳勘酌改冀於帑項堤工兩有神益卑職等復眼同各紳董詳加察看有前擬免修仍擬照原估興修者有前未言幫寬現擬幫寬者有可以減高及前擬加高今擬少加者連日往返勘商始克定議伏思此項堤工所有一切修法業已一改再改與原估多有不符惟堤防乃民生所繫商榷不厭其精詳自應卽照該紳董等酌定改估辦法督飭各工頭趕速修築以冀及早蒞事至應用土方綜計原估二十佔內計未改者共十二佔共土二萬二千三百六十方零三尺應改者共八佔共土二萬四千三百九十二方五尺一寸統共挑土四萬六千七百五十二方八尺一寸較程委員原估方數尙餘七五百八十八方九尺九寸惟查第九第十第十三十五十六十七等六佔堤內共有葦塘九百三十餘丈疊據工頭張永慶等以葦塘取土人力難施且段落甚長尤爲不易懇求格外體恤以免賠累卑職等雖經卽時駁飭然默加體察參諸輿論該工頭等所稟委屬實情除將取土葦塘寬長丈尺隨時密爲查明另行稟候核奪外所有協同紳董酌擬改估各緣由理合繕具清冊稟請俯賜核批示遵實爲公便再第十八十九二十等三佔河內潮水未退難以取土據溫紳長綸聲稱可由堤外五丈以外取土其十八十九兩佔亦可通融幫修外坡於各佔地勢尙屬相宜合併聲明等情批飭照辦在案嗣據承修各該委員分文稟報前項工程先後修竣繕摺懇請驗收前來當經分委候補典史恩緒試用直隸州州判程芳遠試用直隸州州判黃照書往驗去後茲據收工各員按照摺開逐細丈量各工均屬相符有盈無絀夯礮堅實稟請查核等情據此除報銷清冊一俟送到另文請銷並批示外理合照繕筐兒港減河堤工改估清冊並檢同收工摺冊詳請 憲台查核爲此備由具呈伏乞 照詳施行須至冊者 署督憲那 批據詳已悉冊摺存此繳

## 天津縣董事會移天津縣文

爲移請轉詳事案准天津縣議事會函開內稱據孫王氏投遞說帖聲稱伊故夫孫文彬有坐落河北關上小藥王

廟東祖塋曾經充公請爲公議挽回一案囑敝會同勸學所就地調查既確以便核議等因准此查孫文彬坑地經唐前縣尊充公茲孫王氏聲訴前情當即會同勸學所調查據該地鄰各戶俱稱地內確有伊家墳墓又查縣卷據王壽山供稱孫文彬之祖前充地方其墳即埋於官地之內等語當即據情覆告議事會旋接議事會函開謂地內既有伊家之墳應酌量體恤留給葬墳附近地三畝俾得保全墳墓等情敝會復查此地久成水坑其墳被浸不可得見迨勸學所收作公產稟明提學憲立案出租與內閣中書李鍾璘已經將地墊平今既議決與孫王氏留地三畝應令承租人李鍾璘起去所墊之土方能交孫王氏原墳原坑嗣孫王氏以棺木久沒於水擬將所留坑地賣出另行買地遷葬原承租墊土人亦願出資購買計坑地三畝共價銀洋一千三百五十元由孫王氏自行買地另葬兩造均已議妥復行移知議事會核議據覆照辦惟此地既由孫王氏出賣應照民地例立契投稅以憑管業除函覆議事會查照外相應備文移請縣台查照轉詳提學憲備案並請於李鍾璘投稅契紙時准予辦理實爲公便須至移者

### 河南官銀號提調王令宰善稟撫院劃一幣制謹陳管見文

敬稟者竊維幣制之良窳關於財政之消長財政之消長關於國勢之盛衰伏讀宣統元年正月十四日軍機大臣奉 諭旨度支部奏幣制重要宜策萬全請仍飭會議一摺著交會議政務處妥議具奏欽此仰見 朝廷慎重幣制不厭求詳之至意欽佩莫名竊宰善負笈外洋粗研計學遍考東西各國之成規默參我國現今之情勢欲整飭國事當以清釐財政爲第一義欲清釐財政當以劃一幣制爲第一義但當此財政困難之際幣制繁亂之秋非統籌全局之盈虛不足以昭久遠非暗合民間之習慣不足以利推行不揣愚陋謹就管見所及臚舉以陳一宜定假金本位也貨幣沿革莫不由銅而銀而金其銅也銀也金也均應當時經濟社會之所宜在宜銅之世未必宜銀宜銀之世未必宜金蓬古之世有以布帛皮革爲貨幣者近世東西各國實業發達生計日增不得不金幣亦勢之使然是以數百年後或以白金爲本位貨幣亦未可知按我國目下情形各項實業均未發達民間生計程度亦較東西各國爲低似可不必用金然此但知國內現情而未慮及國際往來也我國歷年賠款之磅虧商界之耗折莫不因金價之日漲而受其影響東西各國皆金本位我國雖未定本位而銀實爲用款大宗以用銀之

國與用金之國往來用金之國多則金之銷路廣而金愈貴用銀之國少則銀之銷路滯而銀愈賤泰西各國於是以價賤之銀購金於東方用銀之國載銀而來易金而去金銀交易似無絲毫之損不知一轉移間我國只有出口之金而無進口之金日積月累勢必將有金有銀之中國迫而爲有銀無金迨我國之金既竭勢必視金愈貴外國之金既多勢必視銀愈賤故以從前易得之銀購還原有之金非倍蓰其價不可卽此一端已足使我國坐困加以每年進出口貨之不相抵則金價愈漲銀價愈落用金者獲利益多用銀者受虧益甚故爲國際計非定金本位無從抵制矣惟我國富饒之金礦尙鮮發見若遽用金幣必購金於外洋則漏卮反勝於前不可不慮兩全之策莫如定一假金本位仍以銀爲輔幣而定其金銀之比價則彼漲我亦漲彼落亦我落漲落相同於國際之往來不致受虧俟將來礦金日多卽鼓鑄金幣以實之不難收金本位之實效所以宜定假金本位者此也 一宜鑄七錢二分之九二銀幣爲輔幣也我國銀幣之議衆說紛紜未衷一是主一兩者有之主七錢二者有之甚至主五錢七錢者亦有之要知行用國幣全借國家之信用權力一兩亦可七錢二亦可五錢七錢亦無不可第考諸貨幣流通之原理有惡貨驅逐良貨之理有信用習慣之關係各省所鑄銀元及鷹洋人洋之流行市面者不知凡幾若欲使國幣流行全國必將各種銀元不分中外悉數收回方足以昭劃一而一事權若照一兩或七錢或五錢者之議則當此收換之際折算爲難按其重量而收之則公家必受火耗之虧按其成色而收之則民間又受折色之虧此項虧折以全國計之其數頗巨當此財政困難民力艱窘之時使國家任此巨虧是利未見而先受其害使小民任之則苦累有難言者此中關係最爲重要故爲兩不虧折之道莫若鑄七錢二分之九二銀幣則與市上所用之鷹洋人洋及各省之龍洋重量雖同而成色略減以一換一民間不覺其虧公家實收其利卽使改鑄亦不致有虧析火耗之虞矣論者謂各省之銀元均係七錢二分何不卽以此項銀元爲輔幣可省改鑄之煩不知貨幣發行之權應歸政府不宜操之各省且省界之分早成習慣有彼此不相通用者有流通鷹洋人洋而不通用本省之龍洋者非改弦更張無以使全國一律此項國幣祖模均須由部頒發鑄明大清通用銀幣而不加以省名市面往來非此不用官府出納非此不收不特國幣得以流通卽鷹洋人洋之來源亦可借以抵制此外之小銀元卽按輔幣之比例分別鑄造以便民用所以宜鑄七錢二分之九二銀幣者此也 一速定銅元與輔幣之比價也自行用銅元以來全國



之銀價日以增漲其實非銀價之漲乃銅元價之落凡均有需要供給之關係需要多而供給少則價增需要少而供給多則價落此定理也銅元本補助貨之一種亦係便民而設各國均行之惟本位貨與補助貨之區別以性質論則有表面價格及實在價格之分以功用論則有限制及無限制之別我國但知行用銅元而不詳究其性質與功用無一定之價格無一定之限制宜乎未受其益而先受其害也以近年之商務論莫不因銀價之落漲無定而暗受其虧以各省之州縣論亦莫不因銀價之日漲而不堪賠累商務乃致富之本州縣為致治之原而均以銀價無定受其影響是有關於富國強民之道豈淺鮮哉所以宜定銅元與輔幣之比價者此也以上三端乃劃一幣制之大綱此外如生銀之行用外幣之輸入商家之鈔票皆足以妨礙國幣之流通均宜設法裁抑至頒行國幣之期限及收換舊元之辦法均宜詳定細章俾民間有所遵循愚昧之見是否有當伏乞大帥察核咨奏請敕部酌核施行

### 文告錄要

督憲批示錄要○山東文登縣職商戚栗齋稟為合夥抗商懇恩飭行核追由 批據稟已悉候咨 督辦津浦鐵路大臣查核辦理此批

藩台批示○清豐縣紳民胡魁鳳等聯名稟請革員吳鴻祺昭雪開復由 批已革沙河縣知縣吳鴻祺前在清豐縣任內被參情節是否冤抑候本司確查核辦該紳等回籍安業毋違

學台榜示○為榜示事案照本屆己酉科選拔業經分場考試完竣彙齊各卷由本司親加閱定遵照新章加倍錄其承德朝陽赤峯等屬及承德保定等各駐防均遵禮部奏定新增拔額照數取錄除詳請督部堂定期覆試外合行揭榜宣示週知須至榜者 計開 (滿蒙) 鑲黃旗 附生長仁 附生英熙 廩生祺彥 正黃

廩生桂芳 附生定昌 附生桂柏 附生春祺 正白 附生敦本 廩生瑞興 附生繼增 附生春林

正紅 附生富金布 附生恩隆 附生桂清 附生蘊芳 鑲白 附生維翰 附生崇保 增生松林 繙

譯生榮譜 鑲紅 繙譯生崇志 廩生謨爾根寶 附生成瑞 附生立佩 正藍 附生斌秀 附生穆印

附生恩培 附生恩明 附生覺羅文彬 附生富永 附生世興 附生文亮 (漢軍) 鑲黃 廩生壽

昌 廩生李開基 正黃 廩生壽崑 附生志益 正白 附生王鍾漢 附生重佑 正紅 附生孟鴻達

附生麟祥 鑲白 附生華楨 附生范炳勳 鑲紅 附生楊壽祺 附生恒瑞 正藍 附生貴閏 鑲

藍 增生趙榮章 附生桂林 順天府 附生劉英 廩生劉桂芳 廩生任慶生 附生陳名立 附生董

敦江 廩生郭廷桂 附生周仁燦 良鄉 廩生謝芳檀 廩生趙鳳桐 固安 廩生李瑞芳 廩生馮樹

椿 永清 優廩生趙景廉 附生劉新民 東安 廩生楊同霖 廩生張培原 香河 附生張作霖 廩

生李起元 通州 廩生戴旭 廩生詹中 三河 廩生王宗儒 增生陳廷相 武清 增生張振釗 附

生楊培元 寶坻 廩生王盡 附生趙如桐 寧河 優廩生 趙文富 廩生李鳳來 昌平州 附生趙

文蘭 附生李國安 順義 附生張書成 增生蔣日新 密雲 廩生甯佩經 廩生賈斌元 密雲衛

廩生侯祖基 附生吳汝霖 懷柔 增生盛仲奎 附生鍾桂芬 (未完)

### 電報錄要

路透電○希臘政府答覆土政府聲稱現在希臘決意保全土布兩國睦誼并願兩國邦交益見親密并謂希臘對

於土國之新政甚為贊成至於克里德島問題土希兩國以和平主義商訂協約必能將悞會之處泯除云

又電○土希兩國均以和平了結克里德島問題頗有進步聞土京輿論對於該島問題甚為注意現在土國聯合

與進步兩黨極力堅制土政府并甚贊成預備戰事

又電○英國下議院議員核議財政表第十款係徵收荒涼地稅贊成者二百二十三員反對者一百一十九員

又電○英皇現由英京啓程往法國馬蘭巴德地方

柏林電○葡萄牙國王曼紐洛與英國公主結親現在英國正預備一切

又電○德國新首相赫洛威克氏擬於西十一月往羅馬覲見義王并致皇

又電○俄報甚願俄土兩皇相會時提議開放達爾丹尼洛海峽土首相聲稱伊甚贊成兩皇相會以敦兩國睦誼

附錄

新政紀聞

京兆注重選舉事宜○順天復選復定期於七月初一日起分期辦理投票開闕等事現在凌大京兆爲慎重選舉資格起見日前復派委員數人確實覆查以便與初次調查表冊核對并聞已決定於投票開票時親臨監督云飭令開送清摺呈閱○直隸財政局特奉 督憲面諭飭將各局所學堂現有員司銜名職務薪水數目到差日期限兩日開齊清摺彙送呈閱該局奉諭後即於二十四日轉通知各局所學堂遵照 帥諭一體查照辦理云

憲政研究会派定科員○湖北候補知州何熙年等創辦之憲政研究会早經督院批准茲該會同人特於初七日開會決議辦事條目分會計文牘庶務編輯校勘印刷各科並公推董令治勛查牧雙綏鍾令幼賓任會計科何牧熙年吳直牧本文王倬伯恭懼倬長齡張令慶陸任文牘科金令崇爵沈令師愈方令毓桂嚴令師愈陶令繼貞程令忠塲孫令多誌任庶務科于按經漸遠楊令其昌樊令金聲鄭令業榮裴令稱萬令良銓任編輯科李令梓藩任印刷科云

學務

調查歐美學校章程○歐洲游學生監督日前將在歐所調查之各國學校章程三十餘種彙編成函咨送學部存照以備採擇

擬選學生赴美留學○順天府擬將順天高等學堂程度合格學生挑選最優等生十名派赴美國留學已由凌京兆咨照學部放試派往

順直學堂招生考試○北京順直中學堂添招生百名不收學費自十五歲以上二十五歲以下有高等小學堂或中學資格者皆可報名定於七月初五日九鐘入場考試

軍政

部頒陸軍劃一懲罰表式○陸軍部因各省陸軍違章申報之陸軍懲治逃亡及陸軍目兵逃亡勸懲官長併陸軍懲罰過失等項表式各省式樣參差不一以致無從查核現已由部核定劃一表式頒發各省嗣後即須按式填

報以昭一律

海軍編譯局仍擬設立○京師海軍編譯局前曾議擬建設現洵薩兩大臣以海軍貴於參考亟宜建設此局以便編譯各國海軍書籍及一切現行之規章制度聞其編譯人員即擬於譯學館畢業學員中擇尤選派云

改良軍制辦法○陸軍部以整頓軍務亟應改良軍制現將改良辦法六條咨送各省轉飭各軍一體查照一詳定軍政機關一明定軍事教育方針一重訂海陸軍之制度一優加軍人之位置一選派貴胄學生嫻習西文一嚴訂舉劾將弁之賞罰

財政

編訂新政歲費表○度支部堂憲前飭清理財政處預算出入款目各節茲復諭令該處員司會同各司長將常年應需新政各款另行分別列表呈閱據聞面諭編訂是表祇限二十日內一律造齊云

催出入盈虧報告冊○浙江財政局移鹽運使文云爲移送事奉度支部頒發調查財政各款即經刷印成本移送查照嗣又由局詮解辦法六條詳明分移在案查前詮解辦法第五條內聲明擬先就本局查知主管各署局款項名目分開清單逐加詮註移送各署局查照編造各款六柱細數冊並加造總數冊其各庫所有單內所無或名詞異同之款不論內銷外銷均應補入列造以免遺漏等語茲經本局分別擬就開單合亟備文移送爲此合移貴司衙門請爲查照辦理迅將光緒三十四年出入款項報告總細冊並盈虧比較表尅期移送以便彙編望速施行云云

路礦

札催選派留學鐵路生○外部因駐日胡欽使報告現查湖北省赴日本帝國鐵路學堂留學者先後共計二十五名等情由部核查以該省原定額數係以四十名爲限尙缺十五名之數現當急需鐵路人才之際已於日前札致鄂省提學司速行遴選合格之生依額遣派以便造就交通人才而備將來之任使云

籌議襄河修建鐵橋○湖北漢口近有曾任福建興泉永道之劉觀察慶汾具稟督院擬招商股由漢口之武聖廟碼頭修建鐵橋一座直達漢陽請允咨部立案陳筱帥以漢口與漢陽僅隔一河而襄水湍急每當盛漲渡涉維艱隻身往來已覺不便轉運貨物其難可想况不日川粵路工告竣獨限此一衣帶水實屬有碍交通劉道所請建橋不爲無見惟地勢水勢於建橋是否相宜自應先事圖維斟酌至當爰札飭勸業巡警漢關三道會督府縣廳丞詳勘妥議稟覆核奪

第六條 本堂各董事由德國教員中指派一人爲總教習指導本堂教育庶務一切事宜本堂因恐教法不一各教員應行會議研究由總教習訂期會議屆時以總教習爲主席俾盡其指導之責任總教習所有在其指導教育庶務責任內之告諭各教員及學生均當恪遵

第七條 本堂各董事有監察指導一切事宜之權

第三章 教員

第一條 本堂現有德國教員三人中國教員三人嗣後視學堂情形如須添教員之處隨時添聘

第二條 德教員教授德文俟學生能深明德語演說之後再當教授歷史地理算學理化法制理財等學

第三條 華教員教授中國各種科學

第四章 宗旨

本堂以修身立品爲要義其外必使學生增長靈性強健身體二者並行兼進尤必須授以學問知識以爲養生根本此等學問比照中國中學堂因此本學堂章程按照重訂直隸中學堂現行章程酌訂

第五章 學生資格及學費

第一條 凡有在高等小學堂畢業領有文憑者均可入本堂肄業如無文憑經本堂考驗已及高等小學之程度者亦可收入

第二條 學生年歲大約應自十四歲至二十歲爲限

第三條 每學生每學期學費十二元應於學期開始時交清如有特別緣故經各董事查度情形酌量稍減或全數讓免

第四條 學生所用衣服書籍筆墨等件均由學生自備

第六章 學年學級學額

第一條 本堂畢業年限以五年爲準則

第二條 本堂學級分爲五班第一年學生爲第五班第二年者爲四班第三年者爲三班第四年者爲二班第五

業年者為頭班

第七章 學科程度

第一條 本堂科目凡分十二開列如下

一修身

二德國文學

三七算學

四十法制理財

第二條 本堂各學年每星期課程鐘點表如左

學年 鐘點

第一年

第二年

第三年

第四年

第五年

二讀經講經

五歷史

八博物

十一圖畫

三中國文學

六地理

九物理化學

十二體操

修身 一  
經學 四  
國文 四  
德文 十二  
歷史 四  
地理 二  
算學 二  
博物 二  
理化 二  
法制理財 一  
圖畫 一  
體操 二  
合計 三六

第一年 一 四 四 十二 四 二 二 二 一 一 三六

第二年 一 三 四 十二 四 二 三 四 一 一 三六

第三年 一 三 四 九 四 三 四 五 四 一 三六

第四年 一 三 三 六 四 三 六 二 二 一 三六

第五年 一 三 三 六 四 三 六 五 三 二 三六

# 倍腎補腰

腎經受病為韋廉士大醫生紅色補丸所治愈

腰腎為人身之濾水器其功用即分濾血中所有之毒質經過腰腎變為便溺即由膀胱而出是故保養腰腎亦為最要之端倘或軟弱受病則必失其功用而使應出之毒質存留血中以致痛苦難堪竟有性命之憂者矣大抵腰腎所現尋常之病狀即背骨疼痛小便渾濁四支浮腫眼現黑眶以及周身各部風溼痠痛全體軟弱不甯等症是也韋廉士大醫生紅色補丸業經治愈各種腰腎所患之疾不勝枚舉因其滋補之功施於腰腎無異施於他部亦能與以新力而至康健之地也茲姑於諸多因腰腎患病之證書中謹擇其一而照錄之即候補知縣王君毓萃山西人也現寓山東濟南府之西轅門其言曰○三四年前余患背骨疼痛步履艱難小便頻促澁結而痛面黃肌瘦



山東候補知縣王毓萃君腎經受病為韋廉士大醫生紅色補丸所治愈

身弱胃閉偶一俯身骨節疼痛更兼手指強硬莫能舉筋飲食殊多不便雖曾嘗試多藥用油搽擦手指施盡方法均無裨益所延醫士皆莫能治幾使余喪心失望矣一日偶閱新聞紙見所載韋廉士大醫生紅色補丸之功效曾醫治無數若余所患之病莫不藥到春回爰購而服之後便覺大有轉機故接連再服直至諸痛全消而後已今則步履康健胃口進增面色復原骨生肌肉不啻再造之人矣余深感韋廉士大醫生紅色補丸之功無以為

報願將證書登諸報端聊表感情云爾韋廉士大醫生紅色補丸為大英才智超羣之大醫士所研究而得者其聲譽久已遠馳大陸為療治由血不潔軟弱或腦筋失調所致各症之聖藥也即如血虧惡症諸虛百損少年虧損陽萎不舉胃不消化肝經各病頭痛頭暈風溼骨痛腎骹痠痛腳氣衝心猪羊癩癩山林瘴氣發熱病後紅白痢疾感冒風寒等症莫不即愈婦女經水不調背骨疼痛以及各種他症一服韋廉士大醫生紅色補丸其奏效之神奇更非他藥所可比擬男子或吸食鴉片或酒色傷身服之立能康健復原是丸並無嗎啡鴉片以及他種上癮有害之雜質無論男女老幼皆可服食豈非各症之聖藥哉中國各處商店藥局凡經售西處均有代售或直向上海九江路B字第八號韋廉士醫生藥局中國總發行處購買亦可價銀每六瓶大洋八元每一瓶大洋一元五角遠近郵費一律不取

商務印書館出版各書上海總發行所 各省分館 發售

中外政法要書

議員必讀

嚴又陵先生譯著

欽定大清會典 十冊 一元二角  
 憲政大綱 三冊 三角  
 議政局章程 三冊 三角  
 各省諮議局章程 四冊 四角  
 各省諮議局章程要義 二冊 二角五分  
 訂正警察律官 一冊 一角五分  
 天演論 一冊 一角五分  
 孟德斯鳩法意七冊 七冊 七角五分  
 政治學淺說 一冊 三角五分

大清光緒新法令 十冊 一元  
 各省諮議局章程 四冊 四角  
 諮議局章程須知 三冊 三角  
 第一五分職務表 一冊 一角  
 第三角半 孟德斯鳩法意七冊 七冊 七角五分  
 政治學淺說 一冊 三角五分

戴制軍書 列國政要 二十冊 二元  
 漢譯日本法規大全 八十冊 廿五元  
 漢譯日本六法全書 一冊 一元五角  
 警察講義 錄十四冊 五元

各種彩色地圖 四冊 一元二角  
 大清帝國全圖 一冊 一元二角  
 大清帝國射圖 二冊 二元  
 大清帝國地圖 一冊 一元二角  
 甲種西圖 一冊 一元二角  
 甲種東圖 一冊 一元二角  
 甲種南圖 一冊 一元二角  
 甲種北圖 一冊 一元二角  
 甲種西圖 一冊 一元二角  
 甲種東圖 一冊 一元二角  
 甲種南圖 一冊 一元二角  
 甲種北圖 一冊 一元二角

政法類各書  
 日本憲法學而憲政論 四角  
 日本高田早苗政治學及比較憲法 二元  
 憲法研究書 一元  
 日本憲法義解 二元  
 日本憲法之過去事實 二元  
 右為憲政類之書 二元  
 日本小野塚喜平次 政治學 一元二角  
 政治學 一元二角  
 右為政治類之書 一元二角  
 日本水戶寬人 法制經濟通論 二元四角  
 右為政治類之書 二元四角  
 日本工藤重義 日本明治憲法史 一元  
 日本末岡精一 比較國法學 七角  
 日本夏克彥 國法學通論 一元七角  
 日本織田萬 法學通論 一元七角

各種雜誌  
 日本富井政章 民法原論 二元二角  
 日本清水澄 行政法各論 一元二角  
 右為法律類之書 一元二角  
 日本土子金四郎 國債論 一元  
 日本橫山雅男 統計通論 一元  
 計學淺說 一角五分  
 右為財政類之書 一角五分  
 日本黑田日明治學制沿革史 五元  
 茂次郎 日本小泉又一 歐美教育實際 一元二角  
 右為學務類之書 一元二角  
 歐洲大陸市政論 七角  
 地方自治淺說 一元四角  
 右為地方自治類之書 一元四角

日本富井政章 民法原論 二元二角  
 日本清水澄 行政法各論 一元二角  
 右為法律類之書 一元二角  
 日本土子金四郎 國債論 一元  
 日本橫山雅男 統計通論 一元  
 計學淺說 一角五分  
 右為財政類之書 一角五分  
 日本黑田日明治學制沿革史 五元  
 茂次郎 日本小泉又一 歐美教育實際 一元二角  
 右為學務類之書 一元二角  
 歐洲大陸市政論 七角  
 地方自治淺說 一元四角  
 右為地方自治類之書 一元四角

日本富井政章 民法原論 二元二角  
 日本清水澄 行政法各論 一元二角  
 右為法律類之書 一元二角  
 日本土子金四郎 國債論 一元  
 日本橫山雅男 統計通論 一元  
 計學淺說 一角五分  
 右為財政類之書 一角五分  
 日本黑田日明治學制沿革史 五元  
 茂次郎 日本小泉又一 歐美教育實際 一元二角  
 右為學務類之書 一元二角  
 歐洲大陸市政論 七角  
 地方自治淺說 一元四角  
 右為地方自治類之書 一元四角

日本富井政章 民法原論 二元二角  
 日本清水澄 行政法各論 一元二角  
 右為法律類之書 一元二角  
 日本土子金四郎 國債論 一元  
 日本橫山雅男 統計通論 一元  
 計學淺說 一角五分  
 右為財政類之書 一角五分  
 日本黑田日明治學制沿革史 五元  
 茂次郎 日本小泉又一 歐美教育實際 一元二角  
 右為學務類之書 一元二角  
 歐洲大陸市政論 七角  
 地方自治淺說 一元四角  
 右為地方自治類之書 一元四角

日本富井政章 民法原論 二元二角  
 日本清水澄 行政法各論 一元二角  
 右為法律類之書 一元二角  
 日本土子金四郎 國債論 一元  
 日本橫山雅男 統計通論 一元  
 計學淺說 一角五分  
 右為財政類之書 一角五分  
 日本黑田日明治學制沿革史 五元  
 茂次郎 日本小泉又一 歐美教育實際 一元二角  
 右為學務類之書 一元二角  
 歐洲大陸市政論 七角  
 地方自治淺說 一元四角  
 右為地方自治類之書 一元四角

日本富井政章 民法原論 二元二角  
 日本清水澄 行政法各論 一元二角  
 右為法律類之書 一元二角  
 日本土子金四郎 國債論 一元  
 日本橫山雅男 統計通論 一元  
 計學淺說 一角五分  
 右為財政類之書 一角五分  
 日本黑田日明治學制沿革史 五元  
 茂次郎 日本小泉又一 歐美教育實際 一元二角  
 右為學務類之書 一元二角  
 歐洲大陸市政論 七角  
 地方自治淺說 一元四角  
 右為地方自治類之書 一元四角

日本富井政章 民法原論 二元二角  
 日本清水澄 行政法各論 一元二角  
 右為法律類之書 一元二角  
 日本土子金四郎 國債論 一元  
 日本橫山雅男 統計通論 一元  
 計學淺說 一角五分  
 右為財政類之書 一角五分  
 日本黑田日明治學制沿革史 五元  
 茂次郎 日本小泉又一 歐美教育實際 一元二角  
 右為學務類之書 一元二角  
 歐洲大陸市政論 七角  
 地方自治淺說 一元四角  
 右為地方自治類之書 一元四角

日本富井政章 民法原論 二元二角  
 日本清水澄 行政法各論 一元二角  
 右為法律類之書 一元二角  
 日本土子金四郎 國債論 一元  
 日本橫山雅男 統計通論 一元  
 計學淺說 一角五分  
 右為財政類之書 一角五分  
 日本黑田日明治學制沿革史 五元  
 茂次郎 日本小泉又一 歐美教育實際 一元二角  
 右為學務類之書 一元二角  
 歐洲大陸市政論 七角  
 地方自治淺說 一元四角  
 右為地方自治類之書 一元四角

日本富井政章 民法原論 二元二角  
 日本清水澄 行政法各論 一元二角  
 右為法律類之書 一元二角  
 日本土子金四郎 國債論 一元  
 日本橫山雅男 統計通論 一元  
 計學淺說 一角五分  
 右為財政類之書 一角五分  
 日本黑田日明治學制沿革史 五元  
 茂次郎 日本小泉又一 歐美教育實際 一元二角  
 右為學務類之書 一元二角  
 歐洲大陸市政論 七角  
 地方自治淺說 一元四角  
 右為地方自治類之書 一元四角



天津商務印書館新書出版

天津分館開設河北大胡同電話五百二十六號



# 勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春兩雪愆期近會甯碾伯及各上司又先後報災邊地高寒水泉素乏童山彌望生植不饒一遇旱乾即成凶禔現被災之區草根樹皮掘取殆盡鄉間人口牲畜已多餓斃又接至每斤二十七文視向來不啻十倍相食之慘窮民紛紛逃糶價日增麥已漲至每石三十六七兩稻草已漲至每斤二角八分視向來之多雖伏念甘省僻在西陲地瘠民貧蓄藏本鮮此番被災時則三年之久地則數十州縣之廣人則百數萬之多雖臣奏上朝廷曾撥帑金六萬散諸災區勢難徧給非再有巨款接濟何能救此哀鴻夫天災流行國家代有救災恤義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民請命敬懇仁人君子慨然解囊量力輸助以便彙寄該省活此窮黎庶幾上紓國愛民之苦心同人復敢為甘民請命敬懇仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店  
天津獅子林北洋官報總局

# 名醫到津廣告

啓者四川曾建侯大令精岐黃歷在鄂豫京奉各局所當差所至俱以醫名屢起沉痾茲來津寓買家大橋福祿棧有患病者幸勿失此機會特佈

錢聽彝啓

# 甘肅來電廣告

各報館鑒甘荒惟首府各屬爲最重有四年夫收者需賑銀四十餘萬兩已有半數現得透雨又無子種尙望提倡以救災黎

甘肅士紳同叩

# 速救黎災

敬告者現值甘肅省亢旱異常赤地千里小民直有易子爲食之慘狀不忍聽聞亟應勸辦義賑以資協濟如蒙諸大紳商善長慨捐賑款請送至北馬路商務總會掣取收據以便彙解災區散放拯救災黎不勝盼切之至此佈

天津救急善會謹啓

# 新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋窩等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家柏林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

# 利文洋

大小皮包法國洋號又新到轉盤換調話匣八音盒價值格外從廉仕宦官商尤願者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

本行主人啟

# 瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡蟒洋貨布疋各色喇厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

# 武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器瑤藍 奇巧美術玩器 學界文房用品 旋行攜帶等件 精工鑲身物料 定職各色磨耗 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

# 請看賣字助賑廣告

鄙人近因甘肅連年荒旱哀鴻遍野其慘狀令人不忍聽聞津門官紳商學醫藝各界均紛紛提倡助賑共成善舉鄙人毫無片長願以筆墨聊盡義務庶集腋之資或可補救於萬一自六月二十日起至九月二十日止以後無論潤資多寡概不收售今仍仿上年江北水災書畫慈善會辦法賣字助賑之款按月登報全數匯交災區如蒙賜件請交鍋店街宜蘭堂南紙局日界紅杏飯莊及英國菜市郵公館代為交收潤資先付七日取件今將潤格各款列後

四尺楹聯 隸書篆書真書每付一元五角  
行書草書六朝每付五角

四尺挑山 隸書篆書真書每條一元二角  
行書草書六朝每條八角  
元鐘鼎集錦加倍

四尺屏幅 隸書篆書真書每四扇二元六角  
六朝行書草書每四扇一元六角  
元鐘鼎集錦加倍

鐘鼎各體 扇每件五角  
行書每件二角

名片真書六朝分書每名二角大匾一尺字起碼每字五角如字多字大照加

故城陳筱華謹啓

## 津紳籌募甘賑公啟

敬啟者甘省僻處西陲連年苦旱蘭涼各屬被災尤甚今春兼以雨澤愆期荒旱日亟小民賣兒鬻女覓食維艱以至草根樹皮剝掘殆盡人畜饑斃慘不忍聞甘省督藩乞賑各省函電紛馳雖經奏請 朝廷發帑賑恤然災區較廣徧給維難凡屬同胞詎宜膜視敬乞樂善大君子酌解囊餘不拘多寡吾人盡一分義務甘民活一分性命倘蒙允許請將該款送交北門內大宜門西引善社賬房代收掣取收據俟集有成數再由同人登報公布並公同提交甘省籌賑處匯寄災區以資散放甘民幸甚

發起人 劉恩渠 吳國蕃  
胡家祐 戴元樹 郭漢章  
贊成人 蘇景昌 徐嘉璩

本

局

廣

告

本局承辦印刷研究  
 精良近益不惜重資  
 延聘外洋著名工師  
 添購新式機器精製  
 雕刻銅版所有承印  
 各種紙幣股票等件  
 圖畫精巧色澤鮮明  
 紙質堅緻屢蒙 中  
 外官商照顧頗加獎  
 譽茲為推廣招徠起  
 見自本年起承印各  
 項價目格外減讓以  
 副 官商雅意如蒙  
 賜顧請至本局賬  
 房面議可也

賣字助賑君諸請看

敬啟者鄙人因甘省荒旱異常凄慘萬狀竊踵紳商醫界後願效綿力  
 仿照上年江北水災賣字助賑辦法計以三月為限所得潤資全數充賑  
 旬日以來頗蒙 社會所歡迎茲因發起伊始各處相繼賜件沓來紛至  
 應付不遑鄙人作嫁依人日無瞬息於應盡責任內又不敢稍有放棄致  
 負天職惟念甘省災區甚廣此次潤格又極從廉若不稍事變通移緩就  
 急恐一經限滿則收件雖多而集資無幾似不足以濟要需而副 厚望  
 茲承諸同志忠告囑將潤格重行改訂略為酌增以期有濟即由六月二  
 十一日實行先擬試辦一月查看情形為何再為續辦以符原訂三個月  
 期限所得潤資儘行助賑如蒙 賜件請仍送交北馬路華勝燭皂公司  
 或舊北門內永泰合洋貨鋪及舊東門內冰窖胡同瑞恆錢局代為交收  
 庶不致悞潤資先付七日取件茲將酌減潤格列下以供 衆覽幸 垂  
 諒焉

七言楹聯一元八角  
 四尺挑山一元二角  
 四尺屏幅四扇一元二角  
 八扇五角  
 密股不書  
 名戳一角  
 連號兩角  
 不在單者另議

章武順連城謹啟

京奉鐵路局廣告

啟者現在關外新民府附近一帶潦水漲發火車不能通行所有往瀋陽  
 各處客商請暫中營口轉車前往俟水退車通再行佈告

京奉鐵路局廣告

啟者本鐵路天津至北京又塘沽至胥各莊各段內應行別換舊道木約  
 有一萬八千餘根其餘各段約有三四萬根現擬投標出售如願購買每  
 根出價值若干開列封在信封內寄交本局華收支處覈齊定期開標特  
 此佈聞  
 京奉鐵路局謹啟